

اعتصام



۱۳۳۷ خورشیدی

۲۴ خرداد ۱۳۳۵

{ منافع عامه خادیم محمود اسماعیل پور }

لصاحف قرآنیہ

میر نصوحی

جاهلیت دورنہ نہ کجی علمبر وار ایدی ؟

طاهر المولوی

موسیقی کاظم افندی

محمد حبیبی رادہ

دین ، ینہ دین ، دائما دین ...

حافظ باقی

آناطولیہ منصفانہ بر نظر

ح. بکر صدیقی

اوقاف اداره مسندن شکوا

ادیب

شعر

احمد وہبی

فیثانی (۵) فروشدر

محلہ اداره : فاتح - اعتصام

۱۳۳۴

خوف بر سس ایشیدنجیه اولطرفه طوغرو سرعته قوشان کیمسه در . حدیث
 شریفلری و امثالیه سوازی تعلیملری اجرایی ایچین اصحابی تشویق و ترغیب ایله دیکی
 کبی ذات اقدس ده آنه غایت اینی بینردی . بخاری شریفده مذکور اولدیفی وجهله
 بر کیجه مدینه به دشمن کلپور ظنبله اهالی بر هیجانه دوشمش و قلیجی بویینه
 آصارق ایلك راست کلدیکی اگر سر بر آتیه صبحرایان اشجع الانیا افندیمز اولمشدی .
 بوآت - انس بن مالکک اوکی پدری - (ابو طامحه) حضرتلرینک اولوب
 اسمی (مندوب) ایدی . جناب پیغمبر ، بونک اوستنه آتلا دقدن و کمال سرعته
 مدینه خارجه چیقوب برشی اولمادیفی آکلادقدن صوکر دوشمشدی که سائرلری ،
 هنوز بر ، ایکشر آتیه پندکلری حالدہ تحقیق کیفیت کیدیورلردی .
 صلی الله علیه وسلم افندیمز ، قورقماک برشی بوق ، دیه خاقی نسکین ایله دکن
 صوکر ایندیکی آتک آرقه سی اوقشامش - و سرعت سیرندن طولانی - اوکا (بحر)
 لقبی ویرمشدی .

ماهدی وار طاهر المزلوی

موسی کاظم افندی

ادر نه ده منتشر (ائتلاف) غزته سندن :

اتحاد و ترقی و کلاسی حقننده کی دیوان حرب قرارینک تصدیق عالی پادشاهی به
 اقتران ایلدیکی استانبولدن دون آنان تلغرافنامه دن اکلایامه شد .
 دیوانک ، حکم و قراری موافق عدالت کوریلهرک اجرا و تطبیق فرمان
 بویورلمش ، بو میانده بالکیز اسبق شیخ الاسلام موسی کاظم افندیکن حصه مسؤولینه
 اصواب یتیمکده اولان اون بش سنه کوره کجرامی . وقت نفی جزاسنه تحویل بویورلمشدر .
 بو فرمان هایون مناسبتی ایله ذات حضرت پادشاهینک سما پاه بویوککلری ،
 تعدیل واقع ایله کوستریان حکمت علیه خلافتناهیملری مواجهه سنده متحصس اولما .

حق امکان نرسد. او کنه کار حکومت ارکانی آرسنده روح معصیتی تمثیل ایدن اوج کشینک اعدامی و دیگر لرینک درجه مسؤلیت لرینه کوره جزالاندیرلمسی تصویب بیوران خلیفه زمان حضرتلری مقام علیای مشیختی احراز ایش اولان وزی و سلك علماده بولنان بر ذاتك مسؤلیتی تأیید بو بورمقله برابر شکل جزانك، دین میدنمرك علماسنه اولان محبت متاخره لری حیدیه تعدیل ایدلمسی اراده ایلشاردر .

اون سنه لك عظیم خطا لر نتیجه سنده دوچار ضعف اولان یدی یوز سنه لك معظم عثمانی سلطنتك یو کونکی حزین وضعیتی قارشیننده سلطان مکرمز ، بلکه بزلردن فضله متالم و دلخوندرلر . ایشته بو آلام هایون آرسنده ، بر طرفدن بلند شان اجداد ناجداریلرینك و دینه معزز مسی اولان وطنك رها و معصیتی چاره لرینی تحری بیوران پادشاهمز ، دیگر طرفندن ده فلاکك معصیتکار طالارینه تطبیق عدالت ایدلمسی اراده بو بورمشلردی .

فقط مسؤلار قافله سی آرسنه علمای دیندن بر ذاتك ده نامنی قارشیش کورمك هر حالده پادشاه حضرتلرینك المریخی تزیید ایلشدر .
حتی شیخ الاسلاماق پایه علیاسنه مظهر اولماش بیله اولسه ، موسی کاظم افندی کمب فضلنده بر ذاتك - اُك خفیف تعبیر یله - قافلانه حرکت ایتش اولماسی ده موجب تأثردر .

موسی کاظم افندی صوك زمانلرده پیشه علمای اسلامیهك بحق تمایز ایش ارکانندن بریسیدر . ۳۲۴ انقلابنه قادار احتراصات دنیو بدن و جازبه اقباله تودیع نفس ایلکدن پك اوزاق یاشامش اولان موسی کاظم افندی ، ثروت عرفانی و قناعت حیاتیه سی ایله تعارف ایلشدی . مکتب قضاة ، مکتب حقوق ، مکتب ملکیه ایله مدارس عالیده تفسیر شریف ، اصول فقه ، فرائض مجله کی احکام شرعیهك اخروی و دنیوی اساسلرینی تدریس و تلقین ایلدیکی زمانلر شه مز مسعود و مستریخ ایدی . او زمانلر ، کندیسنی مسلك معززینك رفیق لرندن ، اُك کنج طلبه نه قادار ، هر کس صمیمی بر حرمتله سوه ردی .

فقط موقع حکومت کوز دیکمش اولان انقلابچیلر ، افکار عامه مواجهه سنده

قوتلی کوروونک غایه سیله خواجه افندیښک فضیلت وهرقاښدن، منور استقارده سندن دکل صبت نامندن ظاهری بر استفاده تأمین ایتیمی دوشووندیله و بدایتده کویا عملکتنده عدل اسلامی تأسیس ایچون کندیسنه مراجعت ایله یلیر . بو ، شیطانی بر استمانه ایدی . موسی کاظم افندی، بو دعوتی قبول ایتیش و بیلهرک، بیلیمیه رک سیاهی حیاته کیرمشدی . تدریجاً، اُن شیطانی اغفال و تحریکله منعنده قالمق یوزندن بوتون فضیلت و عصمتنه رغماً او مهالک ماجرالرک صفحات سیاهی ایله منج مقدرات ایلشدی .

مسلمانلر ، سالک بختیاری بولدقلری دین معززک حقیقی عالمینه بویوک بر تعظیم و احترام ایله متحسدرلر . نظرلرمزده ذی علما، قدسی بر وقار و نزاهتک تمثیلدر . بویله اولدینی ایچون هر مسلمان ، مؤمنلر جماعتک اُن معلا طبقه سنده کوردیکی طلمرینی دائماً تزیه و باک طایبق ایستر ، او موقع ، نظر اسلامده اوقادار یوکسک، اوقادار مطاع و مقدسدرکه، اورایه احتراصات دنیویه نک یتیشه میه جکینه ایسانیلیر . او بلند موقعدن بزم ایسته دیکمز دائماً ارشاده تہذیب، ایقاظ و تنویردر . بزر علما مژدن ، جدائی بر اعتیاد روحی ایله دائماً نوازشکار و مشفق ارشادلر و دائماً طبقه خاقه مهایل و ملایم ، فقط وقور و خبرخواه دینی و اخلاقی مجاهدلر بکلرز . سلطنت عثمانیه نک مؤسساری، دولتک بنیان مه دلتی علمای دینه مدیوندرلر . احکام اسلامیه نک تمامی تطبیق ایله مسعود اولان ادوار تاریخیه مزده دولتک قدرت و شوکتی یوکسکشدی . بو کون بزم ، قوام اجتماعیمزی ینه دین مبینمزلک تأمین ایدم جکته ایمان ایدیورز . ایشته مشر اسلامک بو ذهیتیدرکه ، بزی ، بو کون سابق بر شیخ الاسلامک حادثه مشوایتی قارشینده متالم ایدیورز . بوتون بر حیات فضیلتک دفنی مقابلنده احراز ابدلش اولان اوج یش کونلک دنیوی اقبالدن طوره لایی موسی کاظم افندیښک بو کون نه بویوک بر اضطراب و عذاب ایچنده قالدینی تقدیر ایدیه بیلیر .

فضل و عرفانی ایله عصرک برکال باشاذاده سی، بر ابوالسعودی ، بر زنبیللیسی اولنی استهداف ایلی لازم کلان موسی کاظم افندیښک نامنه نسل مستقبل ، دین

و وطنه آلم ضرر لر کثیرن بر حزب ایچنده تصادف ایلیمی ایدی ؟
نه چاره که ؛ بو کوزل و مبارک وطنه مسلط اولان او خائنلر مادی ، معنوی
هر شیدمزی تخریب ایتدکاری کبی مقدساتمزمده اوزنمئلردی . ملکیتک حدودلری
کوچولدی ، ملک و ارلنی ضعیف بر حاله کلدی ، قدرت حیاتیه فیشقیران منابع
و طن خراب و عقیم قالدی .

بو سبیل تخریب اوکنده ؛ آعلمای دینمزمده ، ارباب عرفانمزمده مهالکه دوچار
اولدیلر . بر قسمی اذا و جفالرله اولدوردیلر . بر قسمی ده کندی یا کلش یوللرنده
یوروتلرک معناً ضیاعلرینه سیدیت و یردیلر . ایشته ، موسی کاظم افندی ، دونکی
حکومت غاصبلرینک بدایتده اغوا و شیطنتلری ؛ صوکراده قهر و تحکملری
آلتنده معناً اولدوردکاری بر فضیلت قدرتیدکه ، اولرک سلسله جنایانه بو جرم ،
عظیم بر کناه دها علاوه ایتمکده در .

ارباب جنایت و معصیت حقنده مهابت عالانه بی احتوا ایدن فرمان هاپونک
دین میدنه وزی علمایه قارشی حکمت طایفه ایله تجلیسی بزه بو صمیمی دوشونجه و
تاثرلری الهام ایلدی .

چه به جی زاده

اعتصام

موسی کاظم افندی ؛ شیوعی نسبتنده صاحب فضیلت اولماقله برابر شبنخ الاسلام
صفتی حائر بولنسی طولاییدیه ، محکومیتی ، عالم اسلامده نادر آ وقوعه کان حادثات
مهمه دن عد ایدیه چکی جهنله بزده بو خصوصه طائد مطالعه تمزی آبریمجه یازاجمزم .



دین ، یننه دین ، دائماً دین ...

بزی بودوشدیکمز کرداب فلاکتدن قورماراجانی انحق دیندر . دین انسانلره